

ESTABLEZIMENDU TURISTIKO HARTZAILEEN INKESTA. Hotelak izan ezik. 2021EKO OTSAILA

Euskal AEko landetxeetako sarrerak % 85,3 jaitsi dira 2021eko otsailean, eta apartamentu turistikoetakoak % 71

2021eko otsailean, landetxeen % 31,1 itxita egon dira hileko egun guztietan, eta % 25 apartamentu turistikoetan

Eustaten datuen arabera, 2021eko otsailean 1.018 sarrera eta 4.546 gaualdi izan dira Euskal AEko **landetxeetan**. Beraz, 2020ko otsailarekin alderatuta, % 85,3 eta % 69,4 jaitsi dira, hurrenez hurren.

Landetxeetan ostatu hartu duten pertsona gehienak Estatukoak izan dira, guztien % 92,1. Aurreko urteko hil beraren aldean, sarreretan izandako beherakadak nabarmenak izan dira, bai Estatukoak bai atzerrikoak: % 84,4 eta % 91,5, hurrenez hurren. Gaualdiei dagokienez, Estatukoak % 68,4 jaitsi dira urte artean 2021eko otsailean; atzerrikoak, berriz, % 77,2.

Euskal AEko landetxeetako sarrerak, gaualdiak, batez besteko egonaldia eta betetze-mailak. 2021ko Otsaila

	Sarrerak		Gaualdiak		Batez besteko egonaldia		Betetze-mailak (%)			
	2021/02	m/m-12 (%)	2021/02	m/m-12 (%)	2021/02	2020/02	plazak		gelak	
							2021/02	p.p.*	2021/02	p.p.*
EUSKAL AE	1.018	-85,3	4.546	-69,4	4,47	2,14	4,6	-9,7	7,4	-11,1
Estatukoak	938	-84,4	4.152	-68,4	4,43	2,18	-	-	-	-
Atzeritarrak	80	-91,5	394	-77,2	4,93	1,84	-	-	-	-
ARABA/ÁLAVA	113	-90,9	620	-72,8	5,49	1,83	2,8	-5,8	4,8	-7,0
Estatukoak	108	-90,5	594	-72,3	5,50	1,90	-	-	-	-
Atzeritarrak	5	-95,6	26	-80,5	5,20	1,17	-	-	-	-
BIZKAIA	350	-80,4	1.376	-60,7	3,93	1,96	5,1	-7,4	7,8	-10,0
Estatukoak	326	-78,0	1.245	-55,0	3,82	1,87	-	-	-	-
Atzeritarrak	24	-92,0	131	-82,1	5,46	2,44	-	-	-	-
GIPUZKOA	555	-85,8	2.550	-71,9	4,59	2,32	5,1	-13,4	8,3	-14,3
Estatukoak	504	-85,1	2.313	-71,8	4,59	2,42	-	-	-	-
Atzeritarrak	51	-90,3	237	-72,5	4,65	1,64	-	-	-	-

p.p.*= aurreko urteko hilabete berarekiko portzentajeazko puntuko aldea

Iturria: Eustat. Establezimendu turistiko hartzaileen inkesta

Lurraldea non gehien jaitsi diren sarrerak Araba izan da, 2020ko otsailean baino % 90,9 gutxiago; ondoren Gipuzkoa dator, urte arteko % 85,8ko jaitsierarekin. Azkenik, otsailean, Bizkaian, sarrera-kopurua aurreko urteko hil berean baino % 80,4 txikiagoa izan da. 2021eko otsailean izandako gaualdi-kopuruari dagokionez, Arabak izan du urte arteko jaitsierarik handiena, % 72,8koa. Gipuzkoan jaitsiera % 71,9koa izan da, eta Bizkaian % 60,7koa.

Euskal AEko landetxeen batez besteko egonaldia, guztira, 4,47 egunekoa izan da 2021eko otsailean, 2020ko otsailean ikusitakoa (2,14 egun) baino askozaz handiagoa.

Arabako lurraldean aldea are handiagoa da; izan ere, azken otsailean batez beste 5,49 eguneko egonaldia izan da, eta iazko otsailean, aldiz, 1,83 egunekoa. Bizkaian ere nabarmen egin du gora balio horretan, 2020ko otsailean 1,96 egun izatetik azken hilabete honetan 3,93 egun izatera igaro baita. Gipuzkoak goranzko joerari eutsi dio, eta 2020ko otsailean 2,32 egun izatetik aurtengo otsailean 4,59 egun izatera igaro da.

Plazakako eta logelakako okupazio-mailek oso balio baxuak izan dituzte Euskal AEn oro har: lehena % 4,6tan gelditu da, eta bigarrena % 7,4tan, 2021eko otsailean. Beraz, urtetik urterako beherakadak ehuneko 9,7 eta 11,1 puntukoak izan dira, hurrenez hurren.

2021eko otsailean, landetxeen % 31,1 itxita egon dira hileko egun guztietan; iazko otsailean, berriz, % 23,7 egon ziren itxita. Landetxe itxi gehienak Bizkaian daude (% 35,9), eta Araban eta Gipuzkoan % 33 eta % 27 izan dira, hurrenez hurren.

Itxita mantendu diren landetxeak (%). COVID19 aldia

	EUSKAL A.E.			ARABA/ÁLAVA			BIZKAIA			GIPUZKOA		
	2021	2020	2019	2021	2020	2019	2021	2020	2019	2021	2020	2019
Urtarrila	31,4	26,5	25,5	34,0	20,6	21,8	37,4	31,8	25,8	26,0	26,2	27,4
Otsaila	31,1	23,7	24,3	33,0	13,7	15,8	35,9	30,2	28,1	27,0	24,6	26,3
Martxoa		23,1	17,5		15,2	10,9		27,1	18,1		24,7	20,5
Apirila		92,7	11,6		97,1	6,8		91,4	12,5		91,2	13,6
Maiatza		60,9	12,1		71,4	6,8		57,8	14,1		57,2	13,6
Ekaina		33,4	11,4		35,2	6,9		32,6	12,6		33,0	13,1
Uztaila		18,6	8,3		16,2	5,9		21,4	8,7		17,9	9,4
Abustua		16,1	8,1		11,4	5,9		18,6	9,4		17,0	8,4
Iraila		15,4	8,1		11,4	6,9		17,7	9,4		16,0	7,9
Urria		18,0	10,0		16,0	4,9		19,2	12,4		18,2	11,0
Azaroa		28,6	13,5		25,5	6,9		35,9	20,2		25,5	12,6
Abendua		30,7	15,6		27,4	11,8		37,4	20,9		28,0	14,1

Iturria: Eustat. Establezimendu turistiko hartzaileen inkesta

Apartamentu turistikoak

Apartamentu turistikoei dagokienez, 2021eko otsailean, sarrerak eta gaualdiak 1.537 eta 14.424 izan dira, hurrenez hurren. Aurreko urteko hil beraren aldean sarrerak % 71 gutxitu dira, eta gaualdiak % 25,4.

Estatutik etorritako sarrerak % 65,8 jaitsi dira, eta atzeritik etorritakoak, berriz, % 86,9. Gaualdien kasuan, jaitsierak % 18,8 izan dira Estatukoak eta % 42,6 atzerrikoak.

Lurraldekako bilakaera ez da uniforme izan. Araban, apartamentu turistikoetako sarrerak % 47,5 jaitsi dira, 2020ko otsailarekin alderatuta, eta gaualdiak % 34,2. Bizkaian, urte arteko jaitsiera % 72,7koa izan da sarreretan eta % 52,3koa gaualdietan. Azkenik, Gipuzkoak bestelako bilakaera izan du; izan ere, nahiz eta sarrerak % 75,8 egin duten behera, gaualdiak % 14 gehitu dira.

Sarrerak, gauraldiak, batez besteko egonaldia eta betetze-mailak Euskal AEko apartamentu turistikoetan. 2021ko Otsaila

	Sarrerak		Gauraldiak		Batez besteko egonaldia		Betetze-mailak (%)			
	2021/02	m/m-12 (%)	2021/02	m/m-12 (%)	2021/02	2020/02	plazaka		apartamentuka	
							2021/02	p.p.*	2021/02	p.p.*
EUSKAL AE	1.537	-71,0	14.424	-25,4	9,38	3,64	16,2	-9,6	38,0	-18,6
Estatukoak	1.364	-65,8	11.338	-18,8	8,31	3,50	-	-	-	-
Atzeritarrak	173	-86,9	3.086	-42,6	17,79	4,07	-	-	-	-
ARABA/ÁLAVA	318	-47,5	3.957	-34,2	12,45	9,93	15,9	-8,1	48,4	-16,7
Estatukoak	311	-39,7	3.196	-32,7	10,29	9,23	-	-	-	-
Atzeritarrak	7	-91,9	761	-39,8	28,00	13,91	-	-	-	-
BIZKAIA	720	-72,7	3.395	-52,3	4,71	2,69	10,9	-17,0	27,6	-23,7
Estatukoak	646	-68,7	2.719	-43,9	4,21	2,35	-	-	-	-
Atzeritarrak	75	-87,1	676	-70,2	9,04	3,92	-	-	-	-
GIPUZKOA	499	-75,8	7.072	14,0	14,18	3,01	21,7	-4,2	39,0	-14,4
Estatukoak	407	-71,1	5.423	24,3	13,31	3,09	-	-	-	-
Atzeritarrak	91	-86,0	1.649	-10,5	18,05	2,83	-	-	-	-

p.p.*= aurreko urtearekiko ehuneko-puntu aldea

Iturria: Eustat. Establezimendu turistiko hartzaileen inkesta

Euskal AEko apartamentu turistikoetako batez besteko egonaldia 9,38 egunekoa izan da 2021eko otsailean, 2020ko otsaileko batez besteko egonaldia nabarmen gaituta, 3,64 egunekoa izan baitzen.

Lurraldeka, Gipuzkoa nabarmentzen da batez besteko egonaldi luzeenarekin, 14,18 egunera iritsi baita 2021eko otsailean (3,01 egun 2020ko otsailean). Haren atzetik, Araba dago, 12,45 eguneko batez besteko egonaldiarekin, 2020ko otsaileko 9,93 egunekoaren gainetik, eta, azkenik, Bizkaia, non batez besteko egonaldia 4,71 egunekoa izan den azken otsailean, hau da, 2020ko otsailean ikusitako 2,69 egunekoaren gainetik.

Euskal AEko apartamentu bakoitzeko okupazio-maila % 38,0koa izan da 2021eko otsailean, urte arteko ehuneko 18,6 puntuko atzerakadaren ondoren. Lurraldeka, Araban % 48,4ra iritsi da (2020ko otsailean baino ehuneko 16,7 puntu gutxiago), Bizkaian % 27,6tan kokatu da (ehuneko 23,7 puntuko beherakadaren ondoren) eta, azkenik, Gipuzkoan apartamentu bakoitzeko okupazio-maila % 39,0tan kokatu da (aurreko urteko hilabete berean baino ehuneko 14,4 puntu gutxiago).

Euskal AEn, osotasunean hartuta, apartamentuen % 25,0 itxita egon dira 2021eko otsaileko egun guztietan, 2020ko otsailean baino ehuneko 3,7 puntu gehiago. Hilabete osoan itxitako apartamentuen proportzioa % 30,8ra iritsi da Gipuzkoan, % 21,7ra Araban eta % 18,2ra Bizkaian; azken lurralde horretan, itxitakoen proportzioa 2020ko otsailean ikusitakoa baino txikiagoa izan da.

Jarduera izan duten eta itxita mantendu diren apartamentu-establezimenduen unitateak. COVID19 aldia

	EUSKAL A.E.			ARABA/ÁLAVA			BIZKAIA			GIPUZKOA		
	2021	2020	2019	2021	2020	2019	2021	2020	2019	2021	2020	2019
Urtarrila	24,1	21,3	12,5	21,7	13,6	10,0	15,2	21,4	12,0	30,8	25,0	14,3
Otsaila	25,0	21,3	12,2	21,7	13,6	10,0	18,2	21,4	12,0	30,8	25,0	13,5
Martxoa		18,0	8,5		13,0	5,0		22,6	4,0		17,4	13,5
Apirila		78,0	6,1		73,9	5,0		74,2	4,0		82,6	8,1
Maiatza		55,0	6,0		43,5	5,0		54,8	3,8		60,9	7,9
Ekaina		27,7	4,7		30,4	4,8		16,1	0,0		34,0	7,9
Uztaila		14,6	4,7		21,7	4,8		6,3	0,0		16,7	7,9
Abustua		11,8	5,9		13,0	4,8		6,3	0,0		14,9	10,5
Iraila		11,8	5,9		13,0	4,8		6,3	3,8		14,9	7,9
Urria		14,2	5,5		13,0	4,8		12,5	3,7		15,7	9,3
Azaroa		29,6	8,5		26,1	4,5		81,8	7,1		32,7	11,4
Abendua		25,0	14,1		17,4	4,5		18,2	14,3		32,7	9,1

Iturria: Eustat. Establezimendu turistiko hartzaileen inkesta

Informazio-oharra

Eustatek inkesta honetan parte hartu duten establezimendu guztiei eskerrak eman nahi dizkie egindako ahaleginagatik, nahiz eta gaur egungo egoera ezohikoa izan. Haiei esker, eta % 98,6ko estaldurarekin landetxeen kasuan eta % 92,6koarekin apartamentu turistikoenean, informazio hau zabaldu ahal izan da, zeinek aukera ematen baitu kuantifikatzeko COVID-19ari aurre egiteko hartutako neurriek sektorean izan dituzten ondorioak.

Informazio gehiagorako:

Eustat - Euskal Estatistika Erakundea / Instituto Vasco de Estadística

Donostia-San Sebastián, 1 01010 Vitoria-Gasteiz

Prentsa-zerbitzua: Tlf.: 945 01 75 62